

黄侃
文集

中華書局

黄侃日記
下

黃侃文集

黃侃日記
下

中華書局

寄勤閒室日記（庚午九月）

九月乙巳朔（十月廿二號 禮拜三）陰。讀夏官序官羊人疏。李汝芬來。◇

二日丙午（十月廿三號 禮拜四）陰。婦生日，年廿八矣。五嫂、姪婦均好。讀夏官

序官彤方氏疏。◇

三日丁未（十月廿四號 禮拜五）晴。讀疏至大司馬蒐田章。晚挈妻、子食於萬全，

菜劣價貴，殊不快。◇

四日戊申（十月廿五號 禮拜六）晴。讀疏至大司馬教大閱前期節。焯買得宜稼堂叢

書（價四十元）、寒支初二集（價八元），付三十七元。又買得錢寶琮古算考源，近人書如此者稀矣。夜與殷孟倫讀新宮銘，并錄一通予之。何奎垣至安慶歸，詒予百花酒二瓶、近人詞一本。◇

五日己酉（十月廿六號 禮拜一）陰，有寒色。王富山來，示予以宋元詩會，云須三百六

十元八折，予視其書已壞爛，且價太昂，却之。富山贈予宋於庭過庭錄一部。得富晉索款書。

讀疏至徒乃弊節。吳涵來，云將遊倭。讀寒支集。◇

六日庚戌（十月廿七號 禮拜一）晴。晨至梅庵檢一信，未得，甚煩。寄銀百四十四

元八角與滬富管。王一山來售古今錢畧，畧以十五元。焯買宋詩紀事補遺，直十元。讀疏

至司勳。暮至北門橋。◇

七日辛亥（十月廿八號 禮拜二）晴。以姊事與婦大詬誶。未讀書。夕奎垣來，共

赴瓊園看菊，遂至廣州酒家勸飲，還過子樵久坐，承以清史稿一部百卅一冊貽予，禁書也，親抱以歸，清理至丑正乃眠。◇

八日壬子（十月廿九號 禮拜三）陰微寒，午及夜大雨。○金大未赴。伯沆來共午餐。

讀疏至司燿。始裘。◇

九日癸丑（十月卅號 禮拜四）陰，微寒。○清案上書。擬出遊，旋晴。午食蟹費時，

及出已晏，僅至鷄鳴寺下小立而還。食于民生館。讀疏至掌固。◇

十日甲寅（十月卅一號 禮拜五）陰。作當塗陳克勤之族譜序。爲王獻猷（鍾祥人）

留日官費事致書裘甫。代方子樵擬挽梓琴聯。擬挽梓琴聯，買綾書之，并奠儀八元，唔東里信

一封，託子樵致之。京富管寄來大戴禮記斟補三冊，古今錢畧一部（此書已有，當退）。得滬

富管書。讀疏至挈壺氏。暮雨自金大歸，沾濡。◇

輓梓琴聯（重輯注：梓琴卽田桐）◇

盤盂錄功，旗幟創壽，世共榮之。豈知高蹈海瀕，舉扇遮塵仍傲岸？◇

裂裳存宋，斬木亡秦，公真健者。終得全歸牖下，操椎入地亦雄豪。（此聯甚婉）◇

十一日乙卯（十一月一號 禮拜六） 陰。 暮出過汪北江，夜詣旭初。 讀疏至服不氏。

十二日丙辰（十一月二號 禮拜日） 晴。 讀疏至司士掌國中之士治條。 富晉（滬）寄

來述韻一部贈予，又別寄影印日本舊寫本文鏡祕府論一部，索價八元。 夜至貢院東街六華春配飲，深夜乃歸。 約諸人後夕仍會酒肆。 ◇

十三日丁巳（十一月三號 禮拜一） 晴。 以古今錢畧退還北京富晉，并囑寄近人金石書

二種。 與富晉片。 ○欠富晉一書（大戴、周書斟補）并郵費五元一角七分五。 讀疏至司

右。 ◇

十四日戊午（十一月四號 禮拜二） 晴。 午出買被面。 暮宴客於六華春，客九人，靳仲

雲、徐子明外皆禊社同人也。 拈字打詩鐘，至深夜始散，用廿一元。 讀疏至太僕掌諸侯之復逆條。 ◇

十五日己未（十一月五號 禮拜三） 晴。 聞焯語云，清史稿之遭禁也，白故都運以南來，

藏之於其公廨文書處，一箱盛一卷。 有某君積半歲之力，於每箱抽取一冊，始得成帙。 胡衍鴻、戴傳賢皆求見此書而不能也。 可以知得之者之非易矣。 讀疏至小臣。 ◇

十六日庚申（十一月六號 禮拜四） 陰。 始著羊裘。 賒得四庫總目索引，歸閱之。

小石來午飯，以五韻論、夏仲子集還之。 晡赴金大，未升堂。 暮子明邀在民衆晚飯，今日

爲其生日。◇

十七日辛酉（十一月七號 禮拜五）陰。晨出買縣衣料。令焯與書敬輿。取中大九月薪。讀疏至司弓矢凡矢枉矢節。◇

十八日壬戌（十一月八號 禮拜六）陰。○立冬。讀疏至繕人。午韻和攜蟹來共食之。晚與三子及孟倫食于民生，深夜乃還。◇

十九日癸亥（十一月九號 禮拜日）陰雨，旋晴。呼縫人製衣。午後與韻和及三兒遊豁蒙樓。讀疏至校人。易颺裘。◇

廿日甲子（十一月十號 禮拜一）晴。讀疏二卷餘，至職方幽州。◇

廿一日乙丑（十一月十一號 禮拜二）晴。讀疏至合方氏。夜與孟倫、韻和談。◇

廿二日丙寅（十一月十二號 禮拜三）晴。○吳徵鑄來。爲孟倫書楹帖曰：「驚馬勤十駕，鳴鳩結一心。」師贈潘重規語也。夜得重規信。暮與董、殷二生步珍珠河上看殘菊。讀疏至大司寇五紙。◇

廿三日丁卯（十一月十三號 禮拜四）晴。富晉寄來儀禮正義一部，覆片令求陳瑒國語

翼解。寄銀百六十元與上海三馬路千頃堂，購學海堂、南菁書院經解印本。丁鼎丞來，以其

先德竹筠先生毛詩正韻二部見贈，又王綰記聊城海源閣藏書、公孫龍子懸解。久談乃去。讀疏至小司寇。◇

廿四日戊辰（十一月十四號 禮拜五）晴。讀疏至士師。◇

廿五日己巳（十一月十五號 禮拜六）晴陰。與襲善書。夜韻和邀予與子姪及孟倫食

於松濤巷廣州酒家，甚醉餒。見報，知倭相被刺未殊。讀疏至朝士。◇

廿六日庚午（十一月十六號 禮拜日）晴。讀疏至職金。午挈婦子赴鼎丞之招，飲於

萬全。坐有于右任、方子樵。右任贈予鴛鴦七志齋藏石目，惜忘攜歸（鼎丞居青島普濟醫院）。

得千頃堂覆書。夜酣飲萬全，爲伯沆祝六十壽（未與明言）。◇

廿七日辛未（十一月十七號 禮拜一）晴。○與鼎丞書，囑代借海源閣藏葉抄經典釋文。

程柏廬來，名時燿，新自廬興幫中釋出者。予醉，不獲與言。讀疏至司烜氏。暮瞿安來，贈

熏魚，并以劉履芬光緒丙子在蘇州書局過錄通志堂經典釋文一部見借，劉本系過錄潘錫爵（字艷

廷，又字鬯侯）所過錄管慶祺（吉云）照錄黃堯圃臨本（一）。江鐵君所臨惠、段、臧、顧諸家評

閱本（二）。孫淵如校本（三）。又艷廷假顧河之藏其祖澗寶錄臧在東復自加校本（四）。又吉雲校

臨常熟某氏藏臧、段、鈕、顧諸家校本（與河之本不同）（五）。又吉云所臨江氏校本（與前所臨

江校本又不同）（六）。潘本系咸豐丁巳、戊午兩年所過錄，去今七十四五年矣，真瓊寶也。繙至

丁夜，忘疲。以毛詩正韻一部贈瞿安。◇

廿八日壬申（十一月十八號 禮拜二）晴。十一妹生日。午與旭初食於美的。晚遇

柏廬於辟疆處，約其明午食。邀二汪及曉湘、董、殷二生及小姪食廣州酒家，用銀十一元。

得千頃堂退回書餘資，信書尚未到。

讀疏至哲族氏。

忽暄，脫羊裘。

◇

廿九日癸酉小盡（十一月十九號）

禮拜三 晴。

得陶遺箋，十一號發（哈爾濱南崗義州

街五號樓上四號）。

午約程柏廬食于民生（賒十三元）。

讀疏至大行人未訖。

夜小出買果。

○右任詒予鴛鴦七志齋藏石目二冊。

◇

寄勤閒室日記（辛未正月）◇

空籍二十年，歲在辛未，歲陽重光，歲陰協洽。◇

庚寅月，月陽曰塞，月名曰陬。◇

癸卯朔（時曆二月十七號 禮拜二）晏起。以年糕、果餌帥妻子祀先。九公來。理

書。以敦煌出書及龜殼文字實之屋中架上，近世之所謂古學也；無暇觀之，姑以自娛，亦猶鄉人偶入城市，歸託家人以未嘗到者而已。梧臺燕石，浩蕩古今。昨擬門聯，不敢書，錄之如下：

白下有山皆繞郭◇

野人無曆也知春（宋秦欽句）◇

更擬一聯，懸諸二門：◇

非玉燭之能調◇

豈璇機之可正◇

誦周禮正義天官。◇

二日甲辰（二月十八號 禮拜三）始晴，益寒，旋陰。景伊書來。覺生書來，約明日

之局。日本吉川幸次郎（字善之，兵庫神戶人，狩野直喜弟子，京都帝國大學文學部生，留學北京數年）來謁。其人華言頗嫻，自言研治注、疏，因與久……（抄本下畧）◇

□□陵旁堪閉骨，尋碑草際定生金。◇

欲避蕙路須無愧，試奠椒漿或肯臨。◇

今古龍盤山色改，却愁泉下恨難禁。◇

讀地官。晚集曉湘家打牌，寒甚。◇

六日戊申（二月廿二號 禮拜一）陰寒。吉川幸次郎來，留飯，并約瞿安，又贈以一詩。

吉川爲予書扇，錄新宮銘。○印泉來信。吉川自言考訂而不好詞曲，又於瞿氏無所咨問，瞿

氏惡之。子明夫婦來，邀瞿安夫人來共博，至夜。黃仲良（文弼）來，新從新疆考古歸也，

留之夕食。貽予張懷寂墓志，又其自著書二本，又古物影片十二張，最好。◇

七日己酉（二月廿三號 禮拜一）始晴。鄭恭鑑來。仲雲來。與石禪書。得李印

泉書（前此有一書遺去，內有妄人金已碑信）。下晡，文叔英挈其子玉林來執摯門下，贊敬百元，收之。◇

八日庚戌（二月廿四號 禮拜二）晴暄。始升大學講堂。袁曉嵐送酒果及詩，言將從

方子樵入蜀，即和其詩，并贈子樵一詩，令田送往。○龔麗正國語注疏有刊本。◇

荀子天論篇：「日月食而救之，天旱而雩，卜筮然後決大事，非以爲得求也，以文之也。」

管子宙合篇：「千里之路，不可扶以繩；萬家之都，不可平以準。」◇

讀地官。◇

九日辛亥（二月廿五號 禮拜三） 晴。 讀地官。◇

周禮地官遺人：「市有候館」。注：「候館，樓可以觀望者也。」國語周語：「疆有寓望。」蓋即「候館」。又，司市先鄭注：「次，市中候樓也。」◇

韓非子外儲說：「宋人有酤酒者，懸幟甚高著。」懸幟，即周禮之「上旌」也。◇

十日壬子（二月廿六號 禮拜四） 晴暄。 理髮、剪爪、濯足、滌齒。 燈下讀周禮地官。

十一日癸丑（二月廿七號 禮拜五） 晴。 奎垣自安慶託望江鄒槐（似喬）送杞菊酒來，即寄還一書。 晚聽仲良說考古。 與旭初、筱食廣菜。◇

十二日甲寅（二月廿八號 禮拜六） 陰，昨夜大風，又轉寒。得商務書，知叢刊第一期將到（廿四日付運）。 高明來，言將赴遼。 仲良來，久談至子夜。 孟倫取學術叢編一本，內有蒙

雅，爲余鈔出。周先生取說文後冊去。共四種矣。○得大佑書，即覆。◇

十三日乙卯（三月一號 禮拜日） 晴。 仲良來，贈北魏寫經影片。 午後諸人來打牌至夜，

予羸。○周岸登來。◇

十四日丙辰（三月二號 禮拜一） 陰寒。 小極。 焯自鄉來，先過鄂，行可託其致余拾

雅一部。◇

十五日丁巳（三月三號 禮拜二）雨寒。不適。發篋得劉先生遺稿西漢周官師說考一冊，雨中持付焯手鈔之。連日讀孫疏。○容寄銀魚，令焯往取，未得。◇

十六日戊午（三月四號 禮拜三）仍雨寒。不適。◇

楊峴臧先生述：憶平日詔峴曰：「置散錢滿屋，無下手處。授以索則貫矣。四部書千萬卷，猶散錢也。沈研一經，而羣書爲之用，殆猶索歟？」又曰：「讀書遇有用者，錄片紙黏於壁，朝夕循覽。座左右各設一空器，壁積多以入器，更黏新者。越日探左器入於右，試覆誦焉；越日探右器入於左，亦如之。勿怠勿棄。博學多識，奚難哉！」◇

包世臣國子監生凌君墓表自述其告凌之言曰：「心之爲用，苦則機窒，樂則慧生，機窒者常不卒其業。凡讀書，不熟則心以爲苦。君自取熟者治之可也。」◇

楊峴陳先生述：先生曰：「高郵王念孫氏三代經學，皮架無唐以後書。學貴精深，奚泛濫爲？精乃通，深乃靈，無人而不挈。千載之心，勉乎哉！」◇

閱報悉衍鴻近事，爲之託惜。詣別幽夜談，詢其詳，亦未得也。○以黑酥糖遺覺生。◇

十七日己未（三月五號 禮拜四）陰寒甚。彌不適。◇

古者立、位同字，故立宜有位音。「凡事豫則立，不豫則廢。」讀「立」爲「位」以叶「廢」。「不患無位，患所以立。」讀「立」爲「位」以叶「位」。奚獨「公即立」卽「公即位」。足以爲證哉！◇

焯爲取得四部叢刊第一期，凡五十四包。全書三百二十三部，八千五百七十三卷（四種無卷數），二千一百十二冊，於是全矣。計自戊辰夏，節縮日用必需之資，以四百三十元決意買之，首尾四年，乃獲全部，欣喜不已，夜以名酒慶之。戊辰買書從此起，約用三千三百元；己巳用二千元有奇，庚午用二千元有奇。三年來，買書幾斥去八千元矣。○舊有書亦當費千元有奇。寒士爲此，寧非甚癡？但願於學畧有成就，而我子孫亦稍能誦讀愛惜之。然架上宜有之書，所缺尙不尠，後此尙思時時買之。◇

十八日庚申（三月六號 禮拜五） 陰寒。 咳甚。 理書。 連日左乳痛，可異。◇

十九日辛酉（三月七號 禮拜六） 陰寒。 竟日理書，以四部叢刊全部及學津討原置之東房架上，殊整齊適意。○初服帕拉託。○焯取太炎師春秋左氏疑義答問稿去臆清。又取手批說文下冊。又借胡及光明書局中國文學史及范文心雕龍注上。又裒胡書篆聯。◇

廿日壬戌（三月八號 禮拜日） 始晴，人意欣然。 得黃任初書。 小石來。 竟日理書。

夜看天崇百篇，時有味。時文豈可悉非乎？◇

廿一日癸亥（三月九號 禮拜一） 又陰。◇

字林有腓，音卒。腓者，牛羊脂（見周禮釋文引沈重）。◇

得金謹庵自瀋陽來書。 讀周禮正義。◇

廿二日甲子（三月十號 禮拜二） 晴陰。 童藻蓀來書，求作姜宸英選詩類鈔題跋。

繆篆寄齊物論釋疏來，十餘巨冊也。始挈三子出遊，至蓮萼洲。于相館買得孔林攝影十二幅，

旋步還至城門，乃得車。緒風未革，晴日無溫，枯柳尙覺荒寒，櫻花更可知矣。惟鍾山之陰，餘雪數所，彌見碧嶺之秀全在北山耳。夜讀周禮正義。◇

廿三日乙丑（三月十一號 禮拜三） 晴美。竟日讀孫疏，畢一冊。◇

廿四日丙寅（三月十二號 禮拜四） 晴美。竟日讀孫疏。夜偕辟疆詣小石新居，小石

已睡，拉之起，久談。借得石室祕寶二冊而歸。田僑來。◇

廿五日丁卯（三月十三號 禮拜五） 晴。初易羊裘。與富晉書，未發。◇

石室祕寶目錄◇

甲集：◇

- 一、唐人畫壁彌陀法會圖（一葉） 二、唐人藻井畫佛堂內諸佛圖（一） 三、唐人畫壁千佛岩圖（一） 四、唐人畫壁明王像（一） 五、唐人畫壁太子求佛舍利圖（一） 六、唐太宗溫泉銘（五） 七、化度寺崑禪師塔銘（一） 八、柳公權書金剛經（四十）◇

乙集：◇

- 九、西州志殘卷（二） 十、尚書顧命（一） 十一、摩尼教經殘卷（二） 十二、景教三威蒙度讚（三） 十三、老子西昇化胡經（十九） 十四、頂羅尼（二） 十五、金剛經刻本（二）（存古學會編，有正書局印，兩冊，定價十二元。）◇

金剛經存六面又少許，每面七行，行十二至十四字，大小不等。起「□□相則非一合相」，盡經末（每分題低二格）。尾題一行下有「大身」二字，第五面「那謨婆伽跋帝」云云三行（每句間空一格）。又「隨心真言」連題三行。第六面「心中真言」二行，次空一行，乃云：「弟子歸義軍節度使特進檢校太傅兼御史大夫譙郡開國侯曹元忠普施受持」。又一行低二格云：「天福十五年己酉歲五月十五日□」第七面又一行，上有木印「彫板押衙雷逌交」。此後乃未刻字之木板，上下橫白線一道云。 丁某來。 任堇叔來。 田僑來夕食。 讀孫疏。 ◇

廿六日戊辰（三月十四號 禮拜六） 晴暖。 于瞿處見劉季平。 夜詣覺生，久談。 讀孫疏。 ◇

廿七日己巳（三月十五號 禮拜日） 晴，彌暖，始易颼裘。 午，旭初來，同赴老萬全陳仲子之招。 飲罷，閱書肆，于文海買小學某書（一元）、湖州叢書廿四本（四元）；于聚文買抄本經句（無書名，似沈氏經玩之類，一元）；于萃古買資治通鑑補（峭帆零本，三冊一元）；於保文買隆平集（四冊十元，莫邵亭書）。又日本外史一部，旋因破爛退還。 晚，焯邀食金陵館，三子從。 ◇

廿八日庚午（三月十六號 禮拜一） 陰。 讀孫疏。 ◇

廿九日辛未（三月十七號 禮拜二） 陰，又寒，仍著羊裘。 旭初來午飯，同出訊小石疾；還，獨詣王易小坐。 令田買董康東遊日記，檢所載敦煌本及日本舊寫本古文尚書。其書首載胡

釘鉸一序，可厭。書中時時序時事，又豔詩連篇，亦可厭。標書簽數十。○駿丞託人送茶四器。◇

卅日壬申（三月十八號 禮拜三）晴，仍寒。得仲良及衣雲書各一。竟日讀書。田僑來。◇

詞有福唐體，福唐即劉本，宋高宗紹興時人。◇

寄勤閒室日記（辛未二月）◇

二月癸酉朔（三月十九號 禮拜四） 晴，稍暖。 檢楊傳九牧齋讀梅村豔體詩有感書後四

首箋，因詳誦秋室集及施北研、施均甫集，信吳興之多才也。 寫室中書簽。 讀孫疏。 ◇

二日甲戌（三月廿號 禮拜五） 晴美。 寫室中書簽。 讀孫疏。 ◇

三日乙亥（三月廿一號 禮拜六） 晨微陰。 ○春分。 ◇

春分日作 ◇

祇恐餘寒占却春，晨窗日昞柳條新。 年華未晏遊情在，油壁青聰正待人。 ◇

寫書簽。 下晡赴亞州應奎垣之招。 湖上風物之佳，非語言文字所能形容。 惟新柳斜暉、繁櫻初

月尤繁腦胸也。 夜赴子明處打牌，至一時半乃歸。 ◇

四日丙子（三月廿二號 禮拜日） 美晴，人意欣然。 根塵送來甘地像一幀，小坐而去。 鬧

鐘爲小兒損壞，更購一新者。 下晡赴傭廬，謝無量、劉禹生已先在，遂邀奎垣共博。 晚，予呼

酒肴于大中華，并招婦子來共飽。 惟風大，不克看花。 夜與無量步至十廟口，乃得車歸。 ◇

五日丁丑（三月廿三號 禮拜一） 昨夕大風，晨陰。 寫書簽。 下午挈田遊後湖，繁櫻